



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

V. Si qui pro euacundo mandato apostolico ante citationem appellauerint, aut alios in posseßionem rei litigiosae induixerint, vel se malitiose subtraxerint, non est eorum appellationi deferendum: sed ...

urn:nbn:de:hbz:466:1-15588

C A P. V.

*Alexander tertius archiepiscopo Rothomagenſi
& abbati * Geomar.*

Ex quorundam certa relatione audiuimus, quod cum aliqui viri ecclesiastici, de prouincia vestra pro iustitia sua prosequenda literas commissorias a nobis impetrant, aduersarii eorum, vt mandatum nostrum eludant, antequam literæ illæ ad iudicem perueniant, vel literis nostris a iudicibus receptis, priusquam ab eis citentur, in vocem appellationis prorumpunt: aut conuentionem facientes, aliquos in possessionem eorum, de quibus controuersia vertuntur, malitiose inducunt. Quoniam igitur huiusmodi calliditates & versutia suis non debent in aliquo auctoritatibus suffragari, & nos contra prædictas calliditates & versutias, pastorali volumus sollicitudine prouidere: discretioni vestræ, &c. quatenus si aduersarii, inter quos & ipsum super ecclesia controuersia diutius est agitata, pro euacando mandato nostro supradicto modo appellauerint, aut de possessione qualibet * conuentionem fecerint, vel malitiose se absentauerint, eos qui in possessione prædictæ ecclesiæ se ingesserint, appellatione cessante, cogatis sub examine vestro iuris æquitati parere.

C A P. VI. *Lucius tertius.*

De his qui in sanitate vel infirmitate ad loca religiosa se transtulerint, nil tibi vel ecclesiis, a quibus receperunt pabulum salutis, relinquentes: hoc tuæ prudentiæ innotescat, quod si in ægritudine ipsa ad religionem transeunt, dummodo in ægritudine ipsa decedant, prædictis ecclesiis, a quibus assumti fuerint, canonica debet portio exhiberi. Si vero ad religiosa loca in sanitate se transtulerint, cogi non possunt aliquid præscriptis ecclesiis imperiri: quia liberum est eis tunc bona sua non solum religiosis locis, sed etiam quibuscumque priuatis personis conferre.

C A P. VII. *Lucius tertius.*

Quoniam ex plenitudine potestatis, &c. Super hoc quod quæsiuisti, vtrum super ecclesiastico beneficio in

ANNO
CHRISTI
1179.

ii. q. 3. Si
episcopus.

* cōmu-
tationē